

## АКАФИСТ

### Пресвятей Богородице пред Ея чудотворною иконою

#### Межирицкою «Жизнеподательница»

##### *Кондак 1.*

Избранней от всех родов Божией Матери, небеси и земли Царице, Заступнице и Ходатаице нашей пред Богом, врачевство духовное всему миру подающей, благодарственная пения приносим о даровании Божественного сокровища, чудотворныя иконы Ея «Жизнеподательницей» нареченныя, Ею же ограждаеми, радуемся светло и с любовью взываем: **Радуйся, Пресвятая Богородице Дево, всем притекающим к Тебе вечныя жизни Подательнице.**

##### *Икос 1.*

Ангел явися Иоакиму в пустыне и рече ему: «Бог услыша молитву твою, и жена твоя зачнет, и родится дщерь, и буди Вам радость велия». Таковому дивному Божию промыслению радуясь, восклицаем сице: Радуйся, пред избранная Дево; Радуйся, чудесно рожденная. Радуйся, трехлетствующая Юнице; Радуйся, отрасль Пречестная. Радуйся, благоуханный Цвете; Радуйся, Богу посвященная. Радуйся, и нам дарованная; Радуйся, заре утренняя. Радуйся, луче солнечный; Радуйся, яко Тобою Трисолнечный свет возсия. Радуйся, мира упование; Радуйся, погибших Взыскание. **Радуйся, Пресвятая Богородице Дево, всем притекающим к Тебе, вечныя жизни Подательнице.**

##### *Кондак 2.*

Трех лет от роду введена была еси, Пресвятая Отроковице во храм Господень, в дар единому Богу, Егоже так возлюби душа Твоя, идеже возшла еси смиренною молитвою на верх доброделей. Сего ради поем о Тебе Богу: **Аллилуия.**

##### *Икос 2.*

По совершеннолетию Твоем, Марие, оставила еси храм Иерусалимский, но никто не принуждаше Тя к браку, яко до конца возлюбившую Бога. И зело дивяся чистоте и святости Твоей, обручиша Тя старцу Иосифови, он же трепетно прият Тя, воспевая в

сердце своем таковая: Радуйся, прозябение девства; Радуйся, неувядаемый Цвете чистоты. Радуйся, одеждо Боготканная; Радуйся, ризо Светозарная. Радуйся, непорочная Агнице; Радуйся, Пре благословенная Дево. Радуйся, Святая святых большая; Радуйся, Богом возлюбленная. Радуйся, Ангелов удивившая; Радуйся, и от тех служение приемшая. Радуйся, честнейшая Херувим; Радуйся, славнейшая без сравнения Серафим. **Радуйся, Пресвятая Богородице Дево, всем притекающим к Тебе, вечныя жизни Подательнице.**

### **Кондак 3.**

Кто возможе возвеличити Тебе, Пресвятая Дево, в сии оставшийся годы, пред пришествием на землю Сына Божия, Емуже мир в радости восклицает и поет: **Аллилуия.**

### **Икос 3.**

Егда времена и лета исполнишася, пророчества совершишася. Тогда Господь повеле Архангелу Гавриилу снити во град Назарет Галилейский, к Деве Марии и возвестити Ей благовую весть, воспевая: Радуйся, Благодатная Марие; Радуйся, яко Господь с Тобою. Радуйся, Дево избранная; Радуйся, из Нея же родися Бог. Радуйся, неискусомужная в женах; Радуйся, чистоту возлюбившая. Радуйся, яко Дух Святой найде на Тя; Радуйся, силою Вышняго осененная. Радуйся, раба Господня; Радуйся, рекшая, да будет Мне по слову Твоему. Радуйся, смиренная Дево; Радуйся, и за сие Богом почтенная. **Радуйся, Пресвятая Богородице Дево, всем притекающим к Тебе вечныя жизни Подательнице.**

### **Кондак 4.**

Дево Марие, Владычице всея твари, Дщерь Бога Отца, Мати Бога Слова, Невесто Духа Святаго, несказанно родшая Христа Жизнодавца, от множества злых страстех нас оживотворяющая, и славы нетленные сподобляющая. Како не прибегнути к Тебе? Како не чаяти от Тебе всех благ духовных? И како не воспети о тебе Богу: **Аллилуия.**

### **Икос 4.**

Первая из людей праведная Елисавета нарече Тя, Пречистая Дево, Богоматерью, рекши: «Откуда мне сие, да прииде Мати Господа моего ко мне?» И мы в подражание ей, славим превелие чудо, безсеменного

рождения, и вопием Благодатней: Радуйся, Богородице Дево; Радуйся, благословенная в женах. Радуйся, яко величит душа Твоя Господа; Радуйся, яко возрадовася дух Твой о Бозе Спасе Твоем. Радуйся, яко призре Господь на смирение Твое; Радуйся, яко от ныне ублажат Тя в си роди. Радуйся, Преблагословенная в женах; Радуйся, радости наша. Радуйся, заблудших воззвание; Радуйся, прародителей избавление. Радуйся, неискусомужно зачещая Христа; Радуйся, дивно родившая Спасителя. **Радуйся, Пресвятая Богородице Дево, всем притекающим к Тебе вечныя жизни Подательнице.**

### **Кондак 5.**

Дивное терпение показа нам Господь о Тебе, Богомати, егда Иосиф хотяше тай пустити Тя, бракоокрадованную помышляюще. Но Ты не оправдывая Себе, в молчании предала Себе в волю Божию. Мы же Твоему страданию сочувствуя возопием Богу: **Аллилуия.**

### **Икос 5.**

Безмолвно страдати – се бысть удел земнаго жития Твоего, о Марие. Молчала Ты, егда не бысть, где главы приклонити в Вифлиеме Иудейском, и спелинати Младенца. Сострадала Ты егда искаша душу Отрочати. Меч пройде Твое сердце, и егда на смерть осудися и видела еси велие страдание Сына Твоего. Мы же в сих скорбех Тя ублажаем: Радуйся, Богомладенца родившая; Радуйся, Отрока воспитавшая. Радуйся, Юношу Христа возрастившая; Радуйся, всегда по Нем идущая. Радуйся, присно Ему помогавшая; Радуйся, словеса Его в сердце Своем слагавшая. Радуйся, и нас не оставляющая; Радуйся, воспитание нравов. Радуйся, Умиление благих сердец; Радуйся, падших возведение. Радуйся, грешных скорби разрушающая; Радуйся, всего мира надеждой утешение. **Радуйся, Пресвятая Богородице Дево всем притекающим к Тебе вечныя жизни Подательнице.**

### **Кондак 6.**

Како трепетало сердце Твое, о Богомати, егда на пути в Египет сретесе с разбойники. И старей разбойник возре на Спасителя и рече: «Сошедшу Богу на землю, не бебы прекрасней сего Младенца». И отпустивши вас безбедны, про славиша Бога: **Аллилуия.**

### **Икос 6.**

Сей благоразумный разбойник, одесную распятый, зряще невинныя страдания Господа на кресте, удивися силе Его духа, и исповеда Бога истинна, сподобися слышати днесь со Мною будещи в Раи. Мы же

таковому Божиему благоволению удивляясь, величаем Пречистую Богоматерь и воспеваем Ей сице: Радуйся, наше покаяние; Радуйся, наше спасение. Радуйся, благое воздаяние; Радуйся, с Богом примирение. Радуйся, наше благоразумие; Радуйся, Богопознание наше. Радуйся, бурь житейских прекращение; Радуйся, грешных Споручнице. Радуйся, клятвы поправление; Радуйся, о гресех умилоствление. Радуйся, смерти упразднение; Радуйся, отчаянных Едина надеждо и ободрение. **Радуйся, Пресвятая Богородице Дево, всем притекающим к Тебе вечныя жизни Подательнице.**

### **Кондак 7.**

Невозможно нам постигнуть полноты любви Богоматери. Сего ради не могуще в полноте уразумети скорби Ея: Мал ум, бедно и немощно наше сердце, но душа радуется и влечется пети Богу: **Аллилуия.**

### **Икос 7.**

Любовь Ея бе совершенною, безмерно преданной воле Божией, и что дадеся пережити Божией Матери. Егда сии люди, коих Она так много любила, и коим желала спастися, распинали Ея возлюбленного Сына. Буди имя Ея благословенно, воспевающе Ей: Радуйся, Марие Безвестная; Радуйся, любви неизреченная. Радуйся, красото несказанная; Радуйся, доброто Богом данная. Радуйся, благоухание наше; Радуйся, вечное радование. Радуйся, долготерпение превелие; Радуйся, глубино смирения. Радуйся, земное небо; Радуйся, превысшая небес. Радуйся, Заступнице усердная; Радуйся, в скорбех избавительнице. **Радуйся, Пресвятая Богородице Дево, всем притекающим к Тебе, вечныя жизни Подательнице.**

### **Кондак 8.**

Еожия Мати не пред аде писанию ни мысли Своя, ни любви Своя к Богу и Сыну Своему ни страданий души Своей, ибо сие непостижимо для нас. Совершенством бо Своим, Она превзошла Херувимов и Серафимов. Да с ними и мы навикнем пети Богу: **Аллилуия.**

### **Икос 8.**

Разум небесный открываючи, Пречистая Дево, благоизволила еси явити всем верным, яко в мире есть воля Божия, благая, угодная и совершенная, и всяк ум превосходящая. Призри на нас, Всепетая Богородице, озари светом истины, утеша нас, яко Мати, настави нас на путь правды, да возопиим моляще Тебе тако: Радуйся, познавшая Творца; Радуйся, возлюбившая Господа. Радуйся, устраняющая злые

помыслы; Радуйся, возлюбившая смирение и слезы. Радуйся, хранение душевной и телесной чистоты; Радуйся, жилище Духа Святаго. Радуйся, вместилище Благодати; Радуйся, достойная любви Господней. Радуйся, возлюбившая человеки; Радуйся, обличающая соблазны. Радуйся, восходящая путем в горняя; Радуйся, Богу угодившая. **Радуйся, Пресвятая Богородице Дево, всем притекающим к Тебе вечныя жизни Подательнице.**

### **Кондак 9.**

Во славном успении Твоем, Апостоли в велицей скорби зывали Ей; Оттоле иже бе в мире мы утешались, зря в Тебе, Владычице, самого Господа и Учителя нашего. Не плачите, - рече им Богоматерь, но паче радуйтеся о исходе Моем. Отселе буду зрети лице Бога и Сына Моего, и удобно совершу молитву о всех. И Апостоли в радости в о спеша: **Аллилуия.**

### **Икос 9.**

От блаженного успения Твоего множае и множае множишася по земли иконы Пречистаго Твоего лика, Пресвятая Дево. И взирая на образ Свой, первописанный евангелистом Лукою, Ты рекла еси: Благодать Рождшегося от Мене и Моя с сею иконою да будет. И разлися благодать чудотворений во градех и весех, людие же благодарно зываху: Радуйся, помощнице страждущих; Радуйся, скоропослушнице в напастех. Радуйся, упование отчаянным; Радуйся, избавляющая от наглыя смерти. Радуйся, покрове христиан православных; Радуйся, целительнице болящих. Радуйся, благовещение спасения; Радуйся, Несокрушимая стено. Радуйся, Неопалимая купино; Радуйся, Спорительнице хлебов. Радуйся, милостивая ходотайце; Радуйся, Державная Владычице. **Радуйся, Пресвятая Богородице Дево, всем притекающим к Тебе, вечныя жизни Подательнице.**

### **Кондак 10.**

Сия Одигитрия – Жизнеподательница явися нам под конец времен, яко звезда утренняя пред восходом Солнца Правды, во втором Его пришествии. И избра землю благочестивых князей Острожских, и собра иноки, и устрой обитель. Да на всякое время припадающе молятся пред образом Ея, да не оскудеет молитва и вера их, ибо молитвою Ея держится мир. Мы же во смирении поем Господеви: **Аллилуия.**

### **Икос 10.**

Велию силу показа нам Господь, чудотворений Твоих, о Богомати, и в подражании всем показа избранника Твоего – преподобного Феодора, во князех Острожского. Яко зело любляше молиться и излияти душу свою пред образом Твоим, восклицая: Радуйся, Взбранная Воеводо; Радуйся, во бранех побеждение. Радуйся, пленных избавление; Радуйся, врагов примирение. Радуйся, мятежа мирского поправление; Радуйся, молитв иноческих благоухание. Радуйся, покаянию научение; Радуйся, грехов зрение. Радуйся, подвижающихся одобрение; Радуйся, ленивых посрамление. Радуйся, усердных наставление; Радуйся, Святых прославление. **Радуйся, Пресвятая Богородице Дево, всем притекающим к Тебе вечная жизни Подательнице.**

### ***Кондак 11.***

Пение всеумилненное Тебе, Госпоже наша, с верою и упованием приносимое, милостивно прими и сподоби нас, в Святей обители подвижающихся, в любви и единомыслии жити и едиными усты и единым сердцем с верными воспевати Богу: **Аллилуия.**

### ***Икос 11.***

Никто же притекаяй к Тебе посрамлен от Тебе исходит, Пречистая Богородице Дево. Заступнице Усердная рода христианского, сподобляющая нас обращаться за помощь во всех обстояниях нашей жизни, да с благодарением взываем: Радуйся, ангельское удивление; Радуйся, пророческая проповедь. Радуйся, апостольская похвало; Радуйся, святителей украшение. Радуйся, князей державо; Радуйся, мучеников утверждение. Радуйся, иноков наставление; Радуйся, постников воздержание. Радуйся, девствующих чистото; Радуйся, матерей веселие. Радуйся, младенцев мудр осте; Радуйся, вдовиц и сирых кормительнице. **Радуйся, Пресвятая Богородице Дево, всем притекающим к Тебе вечная жизни Подательнице.**

### ***Кондак 12.***

Благодатию свыше Сына Твоего, Христа Бога нашего, Преплагая Мати, милостивно скорбящая утешаеши, верная в вере Святей утверждаеши, грешныя и заблудшия на путь правый обращаеши, всех приводя к немолчному славословию: **Аллилуия.**

### ***Икос 12.***

Чудотворными иконами Своими Владычице, покрыла всю землю, а наипаче землю Руськую. От Царьграда до Киева, от Киева до Почаева и по всей земле нашей, яко светила небесные возсияли иконы Твои, просвещая нам путь ко спасению, на сии взирая, прославим Тя, Богородице: Радуйся, нагих одеяние; Радуйся, болящих здравие. Радуйся, заблудших наставнице; Радуйся, в бедах заступнице. Радуйся, обидимых защитнице; Радуйся, ненадеющихся надеяние. Радуйся, нищих богатство; Радуйся, печальных утешение. Радуйся, плавающих тишино; Радуйся, обуреваемых пристанище. Радуйся, ненавидящих любовное смирение; Радуйся, требующих помощнице. **Радуйся, Пресвятая Богородице Дево, всем притекающим к Тебе вечныя жизни Подательнице.**

### **Кондак 13.**

О Бсепетая Мати, Всесвятая Владычице, родшая Христа Жизнодавца, не претерпевшаго смешения или разделения Божественнаго. Темже Тя Богородицу верно величаем. Просим и молим Тя, даждь нам чистоту сердца и простоту души, сыновнюю преданность и любовь к Тебе, да всегда вопием: **Аллилуия.**

*Этот кондак читается трижды, затем 1-й икос*

### **Тропарь, глас 4-й**

Пресвятая Владычице Богородице, в благодатной иконе Твоей «Жизнеподательницей» нареченная, Единородному Сыну Твоему Иисусу Христу плоть взаимодавшая, князей Острожских и землю Волынскую в православии укрепившая, душевные и телесные недуги притекающих к Тебе исцеляющая, немощи наша уврачуй, обитель Межирицкую утверди, и благочестие в земле нашей до скончания века сохрани.

### **Величание**

Величаем Тя, Пресвятая Дево, и чтим Образ Твой Святый, имже точиши исцеления, всем с верою притекающим.